


Quero seguirte, Señor

Quero seguirte, Señor, quero perder o poder, o prestixio, a imaxe. Quero renacer á sinxeleza, á escoita atenta do outro, a que me importe tanto o seu como o meu, a que me doia todo dor dos meus irmáns, a mostrarme pequeno e fráxil, como son, a compartir as miñas dúbidas, os meus medos e fracasos, a triunfar todos xuntos, a lograr en común, a regalar ata o último recuncho do meu ser. Axúdame, Señor, a dar a miña vida, o meu tempo, as miñas cousas e o meu eu. Nas túas mans póñome, fai de min o que queiras... Contigo ao meu lado... xa non necesito gañar.



S. Xosé, home con corazón de pai

-Año Santo de S. Xosé-

- S. Xosé, pai amado:** que os pais fagan da súa vida un servizo á familia e a Xesús.
- S. Xosé, pai tenro:** que descubramos a tenrura de Deus que actúa nas nosas debilidades.
- S. Xosé, pai obediente:** que deamos o noso si a Xesús facendo sempre a súa vontade.
- S. Xosé, pai acolledor:** que acollamos sen exclusións vendo en cada persoa un irmán.
- S. Xosé, pai da valentía creativa:** que transformemos os problemas en oportunidades e abramos novos camiños ao evanxeo.
- S. Xosé, pai traballador:** que colaboremos con Deus na creación e ningunha familia quede sen traballo.
- S. Xosé, pai na sombra:** que nos responsabilicemos da vida dos outros e aprendamos a dar sen posuír.



O Mestre Xesús ensíname o oficio de sementador

Coresma 5°-B

Xeremías 31, 31-34: *Farei unha alianza nova e non recordarei os pecados.*

Xa chegan días —oráculo do Señor— en que farei coa casa de Israel e a casa de Xudá unha alianza nova. Non será unha alianza nova. A que fixen cos seus pais, cando os tomei da man para sacalos de Exipto, pois quebrantaron a miña alianza, aínda que eu era o seu Señor —oráculo do Señor—. Esta será a alianza que farei con eles despois daqueles días —oráculo do Señor—: Poñerei a miña lei no seu interior e escribireina nos seus corazóns; eu serei o seu Deus e eles serán o meu pobo. Xa non terán que ensinarse uns a outros dicindo: «Coñecedo o Señor», pois todos me coñecerán, desde o máis pequeno ao maior —oráculo do Señor—, cando perdoe a súa culpa e non lembre xa os seus pecados. *Palabra do Señor.*

Salmo 50: R/- Oh, Deus, crea en min un corazón puro.

Hebreos 5,7-9: *Aprendeu a obedecer; e converteuse en autor de salvación eterna.*

Aprendeu a obedecer; e converteuse en autor de salvación eterna. Cristo, nos días da súa vida mortal, a berros e con bágoas, presentou oracións e súplicas ao que podía salvarlo da morte, sendo escoitado pola súa piedade filial. E, aínda sendo Fillo, aprendeu, sufrindo, a obedecer. E, levado á consumación, converteuse, para todos os que o obedecen, en autor de salvación eterna. *Palabra do Señor.*

XOÁN 12, 20-33: SE o gran de trigo cae en terra e morre, dá moito froito.

Narrador: Naquel tempo, entre os que viñeran a celebrar a festa había algúns gregos; estes, achegándose a Filipe, o de Betsaida de Galilea, rogábanlle:

Gregos: -«Señor, queremos ver a Xesús».

Narrador: Filipe foi dicirllo a Andrés; e Andrés e Felipe foron dicirllo a Xesús. Xesús contestoulles:

Xesús: -«Chegou a hora de que sexa glorificado o Fillo do home. Con toda a verdade volo digo: se o gran de trigo non cae en terra e morre, queda infecundo; **pero se morre, dá moito froito.** O que se ama a si mesmo, pérdese, e o que se aborrece a si mesmo neste mundo, gardarase para a vida eterna. **O que queira servirme, que me siga, e onde estea eu, alí tamén estará o meu servidor; a quen me sirva, o Pai honraráo. Agora a miña alma está axitada, e que direi? Pai, librame desta hora? Pero se por isto vin, para esta hora: Pai, glorifica o teu nome».**

Narrador: Entón veu unha voz do ceo:


Voz: -«Heino glorificado e volverei glorificalo».

Narrador: A xente que estaba alí e oíuno, dicía que fora un trono; outros dicían que lle falaba un anxo. Xesús tomou a palabra e dixo:

Xesús: -«Esta voz non veu por min, senón por vós. Agora vai ser xulgado o mundo; agora o príncipe deste mundo vai ser botado fóra. E cando eu sexa elevado sobre a terra, atraerei a todos cara a min». Isto dicíao dando a entender a morte de que ía morrer.

Palabra do Señor.

(Narrador-Gregos-Xesús-Voz).



MATERIAL OFICIOS DE FANO:

<https://odresnuevos.es/2024/02/05/material-cuaresma-fano-2024/>

Canción Xesús, el Maestro:

<https://youtu.be/LKbp8N6puBU?si=3P8R8mJ3GWhnKikM>



O Mestre Xesús ensíname o oficio de sementador

1. VER: O oficio de sementador

- Continuamos a Coresma acercándonos a Xesús, o Bo Mestre, o fillo do carpinteiro que nos ensina a VIVIR. Da man de Fano seguimos unha **dinámica de “oficios”**, tratándoos de aprender e tamén de practicar para ser bos cristiáns. Tras o oficio de electricista da semana pasada, Xesús ensínanos agora o **oficio de “sementador”**. Que fai un sementador? Bota sementes na terra para que crezan e dean froito. Coñeces algunhas destas sementes? Pois unha semente, o trigo, cando está en terra régase, abónase, e ao transformarse fai que xurda unha planta que produce un froito. E o froito contén a semente que se recolle para volver sementala de novo.

Que é un sementador? Que fai?

2. XULGAR: Xesús ensínanos o oficio de sementador

- No 5º domingo, ao finalizar a Coresma, Xesús-Sementador, tras contar a parábola do sementador e da semente que crece por si soa, di: **“se o gran de trigo non cae en terra e morre, queda infecundo; pero se morre, dá moito froito”**.

Xn. 12,20-33, película: Fundación Ramón Pané: https://youtu.be/_ybWnKdfWO4

QUE NOS QUERE DICIR XESÚS?

- Xa o primeiro domingo Xesús-Mensaxeiro traíanos a **“semente” do Evanxeo** que debíamos acoller e coidar para que creza en nós. Hoxe Xesús-Sementador dinos que El é a Semente que, coa súa morte na cruz, dános o froito da vida eterna para que podamos “alimentarnos” e vivir para El.

- Como aprendices de Xesús-Sementador debemos **“deixarnos sementar” o Evanxeo**: *Acollelo cando o lemos ou escoitamos, *coidaló, regalo e abonalo* coa oración, quitar as malas herbas (o pecado) que impiden que creza e dea o seu froito... E, como ocorre coas plantas, seremos **“sementadores” coas nosas palabras e obras**, nas cousas pequenas e cotiás que realizamos en casa etc. Así sementaremos de novo sementes para que creza en nós e nos demais.

- E ademais, como aprendices de Xesús-Sementador, **nós mesmos tamén seremos “Sementes”**. Teremos que **“caer en terra”**, ou **“sementarnos”**, darnos aos demais.... E tamén teremos que **“morrer”** ao noso egoísmo, a nosa comodidade, ás ganas de figurar... porque **“o que se ama a si mesmo, pérdese”**. Así, como Xesús-Sementador, aprenderíamos o oficio porque esa Semente que somos cada un dará moito froito, o froito que é Xesús Resucitado.

Domingo 5º Cor-B, explicación “Cousas de Deus” <https://youtu.be/6UbjdCukcKM>

A que te está chamando o oficio de sementador nesta Coresma?

3. ACTUAR: Comeza o oficio de sementador

- Xesús conta contigo para que todos poidan coñecelo, amalo, seguilo e ter Vida.

- Ser cristiáns é seguir a Xesús, o noso Mestre, e por iso esta Coresma seguímolo de oficio en oficio: que se note que son un Mensaxeiro que anuncia o Evanxeo; un Montañeiro que ensina a “subir” ao encontro con Xesús; un Árbitro que sinala o que é conforme ao Evanxeo e o que non; un Electricista que fai que outros reciban a Luz de Deus; e un Sementador que se entrega para que a Semente de Xesús dea moito froito para todos.

Que vas facer esta semana?

Entre as túas mans está a miña vida Señor, YULI Y JOSH: <https://youtu.be/watch?v=8zMQ-RbDl4Y>